



Los ntawm Thawj Tswj
Hwm Henry B. Eyring
Tus Pab Cuam thib Ib hauv
Thawj Pawg Thawj Tswj Hwm

Txiav Txim Siab Tias Yuav Muaj Kev Ris Txiav

Peb Leej Txiv Saum Ntuj Ceeb Tsheej hais kom peb muaj kev ris txiav rau txhua yam (saib 1 Thexalaunikes 5:18), thiab Nws txib kom peb yuav ua nws tsaug rau txhua txoj koob hmoov uas peb txais (saib Q&K 46:32). Peb paub hais tias tag nrho Nws cov lus txib yuav ua rau peb muaj kev zoo siab, thiab peb kuj paub hais tias thaum peb txhaum tej kev cai peb yuav tau kev tu siab xwb.

Ces yog tias xav tau kev zoo siab thiab tsis txhob tu siab, peb yuav tsum muaj kev ris txiav. Nyob hauv peb lub neej peb twb pom lawm hais tias kev ris txiav thiab kev zoo siab yeej nyob ua ib ke. Peb sawv daws yeej xav muaj kev ris txiav, tiam sis tsis yooj yim kom peb muaj kev ris txiav txog txhua yam thaum peb muaj kev cov nyom hauv lub neej no. Hauv peb lub neej mas peb yeej muaj mob muaj nkees, raug kev poob siab, thiab xiam cov neeg uas peb hlub. Peb tej kev nyuaj siab ua rau peb pom tsis tau peb cov koob hmoov thiab ua Vajtswv tsaug rau txhua yam koob hmoov uas Nws yuav muab rau peb yav tom ntej.

Nyuaj nyuaj rau peb suav peb cov koob hmoov vim hais tias peb tsis tshua nco qab txog tej yam zoo uas peb tau txais los lawm. Thaum twg peb tsis muaj tsev nyob lawm, tsis muaj mov noj, los sis tsis muaj peb cov phooj ywg thiab tsev neeg, peb thiaj nco qab tias peb

yuav tsum muaj kev ris txiav npaum li cas thaum peb tau muaj tej no.

Qhov tseem ceeb tshaj plaws ces, yog vim tej thaum nyuaj rau peb muaj kev ris txiav rau tej qhov khoom plig zoo tshaj uas peb txais: Yexus Khetos txoj kev yug los, Nws txoj Kev Theej Txhoj, kev cog lus tias yuav sawv rov qab los, qhov uas peb muaj cib fim tau txoj sia nyob mus ib txhia nrog peb tsev neeg, qhov uas muab txoj moo zoo txum tim rov qab los nrog rau lub pov thawj hwj thiab lub pov thawj hwj cov yuam sij. Tsuas yog peb muaj tus Vaj Ntsuj Plig Dawb Huv txoj kev pab peb thiaj yuav pib to taub tias tej koob hmoov ntawd muaj ib lub ntsiab zoo li cas rau peb thiab cov neeg uas peb hlub. Thiab thaum ntawd peb thiaj yuav muaj kev ris txiav rau txhua yam thiab yuav tsis tub qaug Vajtswv vim peb tsis ris txiav li.

Peb yuav tsum thov kom Vajtswv, los ntawm tus Vaj Ntsuj Plig Dawb Huv lub hwj chim, yuav pab peb pom tau peb tej koob hmoov txawm tias peb tab tom raug teeb meem li cas los xij. Nws yuav siv tus Ntsuj Plig lub hwj chim los pab peb to taub li no thiab muaj kev ris txiav rau tej koob hmoov uas peb tsis tshua nco qab xav txog. Qhov uas pab kuv ntau tshaj yog thaum kuv thov Vajtswv hais tias, “Koj puas kam coj kuv mus rau ib tug neeg uas kuv yuav ua tau tus neeg sawv cev rau Koj pab nws?” Thaum uas kuv pab Vajtswv foom koob

hmoov rau lwm neeg kuv thiaj haj yam pom tau tej koob hmoov uas kuv tau lawm.

Kuv tau lus teb rau kuv ib zaj lus thov thaum ib khub niam txiv uas kuv tsis paub tau caw kuv mus tom lub tsev kho mob. Nyob ntawd kuv nrhiav pom ib tug me nyuam mos liab uas me kawg li nws twb tsis luaj kuv txhais tes li. Txawm nws yug los ob peb lim piam tas los lawm xwb, nws tau mus phais ib ce ntau zaus lawm. Cov kws kho mob qhia niam thiab txiv tias Vajtsv tus ntxhais me me ais no tseem yuav raug phais ntxiv kom thiaj kho tau nws lub plawv thiab ob lub ntsws.

Raws li niam txiv twb thov lawm, kuv thiaj tau siv lub pov thawj hwj los foom koob hmoov rau tus me nyuam mos liab no. Hauv zaj lus foom koob hmoov ntawd kuv tau cog lus tias nws tseem yuav muaj sia nyob. Ntau tshaj txoj kev foom koob hmoov ntawd, kuv kuj tau txais ib qho koob hmoov vim kuv haj yam muaj kev ris txiaj lawm.

Yog tias tau peb Leej Txiv txoj kev pab ces, peb txhua tus muaj cai xaiv los ua neeg uas haj yam muaj kev ris txiaj. Peb muaj cai thov kom Nws yuav pab peb haj yam pom tau tej koob hmoov uas peb tau lawm, txawm peb lub neej zoo li cas los xij. Hnub ntawd mas, kuv muaj kev ris txiaj ntau heev vim kuv tau qhov txuj ci uas cia kuv lub plawv thiab ob lub ntsws khiav tau zoo. Thaum kuv mus tsev kuv tau ua Vajtsv tsaug rau tej koob hmoov uas kuv cov me nyuam tau vim tas sim no kuv thiaj paub tias tej ntawd los rau lawv vim yog Vajtsv thiab cov neeg ntawm lawv ib ncig txoj kev ua siab zoo rau lawv.

Qhov tseem ceeb tshaj plaws, yog qhov uas kuv muaj kev ris txiaj heev rau txoj Kev theej Txhoj uas tab tom pab khub niam txiv ntawd thiab kuv. Kuv tau pom txoj kev cia siab thiab Khetos txoj kev hlab hauv nkawd lub ntsej muag, tab txawm nkawd tab tom raug kev nyuaj siab no. Thiab kuv pom tau puav pheej ib yam li nej yuav pom yog tias nej thov kom Vajtsv yuav qhia rau nej paub tias txoj Kev Theej Txhoj yuav cia nej muaj kev cia siab thiab kev hlab.

Peb muaj peev xwm txiav txim siab tias peb yuav ua Vajtsv tsaug thiab yuav thov Vajtsv kom Nws coj peb kev mus pab lwm tus neeg—qhov no haj yam tseem ceeb thaum lub caij no uas peb yuav ua

koob tsheej nco txog tus Cawm Seej txoj kev yug los. Vajtsv Leej Txiv tau muab Nws Tib Leeg Tub rau peb, thiab Yexus Khetos tau muab txoj Kev Theej Txhoj rau peb, uas yog qhov khoom plig zoo tshaj plaws (saib Q&K 14:7).

Txoj kev thov Vajtsv ua Nws tsaug yuav pab peb pom hais tias tej koob hmoov ntawd zoo npaum li cas tiag thiab pom hais tias peb lwm cov koob hmoov zoo npaum li cas ces peb thiaj yuav haj yam muaj kev ris txiaj thaum peb txais tej no.

QHIA LOS NTAWM TSAB XOY NO

Txoj kev sau ntawv txog tej yam uas peb raug lawm thiab tej koob hmoov uas peb txais yuav pab peb nco qab txog tej ntawd thiab yuav ua tej yam uas peb rov qab pom thiab nco tau. Xav seb puas tsim nyog thov cov neeg uas koj qhia kom lawv sau ntawv qhia seb lawv muaj kev ris txiaj rau tej yam twg kom—pab tau lawv nco txog tej koob hmoov uas lawv tau txais lawm, kom lawv pom tau tej koob hmoov uas lawv muaj tas sim no, thiab xav txog tej koob hmoov uas lawv txais tau yav tom ntej.

Koj kuj yaum tau cov neeg uas koj qhia kom lawv ua raws Thawj Tswj Hwm Eyring tus yam ntxwv es thov kom Leej Txiv Saum Ntuj Ceeb Tsheej yuav coj lawv kev mus pab ib tug neeg.

COV HLUAS

Cia Li Xeem Ntawv txog Kev Ris Txiaj Los ntawm John Hilton III thiab Anthony Sweat

Tsis txhob sib tham txog txoj kev suav yus cov koob hmoov xwb—cia li suav kiag! Sau ib daim ntawv txog 100 yam uas koj muaj kev ris txiaj rau. Yog tias koj xav tias ib pua ntau dhau ces, sim ua li no:

1. Sau 10 yam uas koj lub cev txawj ua uas koj muaj kev ris txiaj rau.
2. Sau 10 yam khoom uas koj muaj kev ris txiaj rau.
3. Sau 10 tus neeg uas tseem ciaj uas koj muaj kev ris txiaj rau.
4. Sau 10 tus neeg uas twb tuag lawm uas koj muaj kev ris txiaj rau.

5. Sau 10 yam hauv ntiaj teb no uas koj muaj kev ris txiaj rau.
6. Sau 10 yam txog hnuv no uas koj muaj kev ris txiaj rau.
7. Sau 10 qhov chaw hauv ntiaj teb no uas koj muaj kev ris txiaj rau.
8. Sau 10 qhov txuj ci hauv lub caij nyoog no uas koj muaj kev ris txiaj rau.

9. Sau 10 yam zaub mov uas koj muaj kev ris txiaj rau.
10. Sau 10 yam ntawm txoj moo zoo uas koj muaj kev ris txiaj rau.

Thaum peb sau ib daim ntawv zoo li no, peb nrhiav pom tias ib daim ntawv uas muaj 100 yam yeej tsis yog ib feem me me ntawm txhua yam tsav uas Vajtsv pub rau peb lawm.



Ib Qho Chaw Dav rau Kev Ua Hauj Lwm

Cia li kawm tej yam no thiab, thaum tsim nyog ua, sib tham txog tej no nrog cov viv ncaus uas koj mus xyuas. Siv tej lus mug no pab koj txhawb koj cov viv ncaus lub zog thiab ua kom lub Koom Haum Niam Tsev muaj feem hauw koj lub neej.

Tus Tswv, Nws lub Koom Txoos, tej yim neeg, thiab tej koog zej zog xav tau cov poj niam ncaj ncees txoj kev pab. Muaj tseeb tiag, Txwj Laug M. ntawm Pawg Kaum Ob tug Thwj Tim qhia hais tias “txhua tus muam hauv lub Koom Txoos no uas tau nrog tus Tswv sib khi lus tseg yeej raug txib saum ntuj ceeb tsheej los pab cawm tej ntsuj plig dim, coj cov poj niam hauv ntiaj teb no txoj hau kev, ntxiv dag zog rau tej yim neeg hauv Xi-oos, thiab pab txhim tsa Vajtswv lub nceeg vaj.”¹

Tej zaum ib co viv ncaus yuav xav tias lawv tsis muaj cuab kav ncau cuag tej hom phiaj zoo npaum li no. Tiam sis Eliza R. Snow (1804–87), uas yog tus tuam thawj tswj hwm thib ob rau lub Koom Haum Niam Tsev, piav hais tias, “Tsis muaj ib tug viv ncaus uas nyob nrug deb, los yog ua tej hauj lwm me, npaum li tias nws yuav tsis muaj peev xwm pab ua ntau yam kom txhim tsa Vajtswv lub Nceeg Vaj hauv lub ntiaj teb no.”² Muam Snow kuj qhia tias lub Koom Haum raug txhim tsa “los kom ua txhua yam hauj lwm uas zoo thiab tsim nyog ua.”³

Txoj kev koom lub Koom Haum Niam Tsev uas rau peb haj yam pab tau lwm tus neeg vim txhua

tus viv ncaus muaj cib fim ntxiv rau kev ntseeg, ntxiv dag zog rau tej yim neeg thiab rau lub tsev, thiab muab kev pab tom tsev thaib hauv tag nrho ntiaj teb no. Thiab muaj hmoov, vim hais tias tej yam uas txhua tus neeg ua thiab cov Koom Haum Niam Tsev ua tsis tas ua tej yam loj loj thiab nyuaj, tiam sis yuav tsum ua zoo zoo thiab ua tsis tu tsis tseg. Tej yam ncaj ncees zoo li niaj hnub thov Vajtswv yus ib leeg thiab ua ib tse neeg, niaj hnub nyeem vaj lug kub, thiab pheej rau siab ntso ua tej hauj lwm hauv lub Koom Txoos yuav pab ntxiv rau yus txoj kev ntseeg thiab txhim tsa Vajtswv lub nceeg vaj.

Hais rau cov muam uas xav paub seb lawv tej hauj lwm uas lawv ua ntsiag to puas pab leej twg li, Txwj Laug Ballard qhia tseeb hais tias: “Txhua tus muam uas sawv tiv thaiv kev tseeb thiab kev ncaj ncees yeej pab ua kom tej kev phem ploj zuj zus mus. Txhua tus muam uas ntxiv zog thiab pov hwm nws tsev neeg tab tom uas Vajtswv tes dej tes num. Txhua tus muam uas ua ib tug poj niam ntawm Vajtswv rais los mus ua ib teeb rau lwm tus neeg raws qab thiab cog tej yam noob ncaj ncees uas ntau xyoo tom ntej yuav sau los ua qoob loo.”⁴

Los ntawm Peb zaj Keeb Kwm

Eliza R. Snow, uas tau ua tus neeg khaws ntaub ntawv thaum tsim lub Koom Haum Niam Tsev hauv lub nroog Nauvoo, uas raug hu los ntawm Thawj Tswj Hwm Brigham Young (1801–77) kom mus thoob plaws lub Koom Txoos, pab cov npis sov txhim tsa lub Koom Haum Niam Tsev hauv lawv tej pawg ntseeg.

Muam Snow qhia tias: “Yog tias haiv neeg Ixayees ib tug ntxhais los sis niam xav tias lawv ua tsis taus lawv txoj hauj lwm, ces nim no lawv yuav nrhiav tau txhua lub hwj chim thiab txoj kev txawj ua kom lawv thiaj ua tau zoo npaum lawv muaj cuab kav ua. . . . Thawj Tswj Hwm Young tau qhib kev rau peb ua tau tej hauj lwm zoo thiab pab tau lwm tus neeg.”⁵

LUS CIM

1. M. Russell Ballard, “Women of Righteousness,” *Liahona*, Kaum Ob Hlis Ntuj 2002, 39.
2. Eliza R. Snow, “An Address,” *Woman’s Exponent*, Cuaj Hli Ntuj 15, 1873, 62.
3. Eliza R. Snow, “Female Relief Society,” *Deseret News*, Plaub Hlis Ntuj 22, 1868, 81.
4. M. Russell Ballard, *Liahona*, Kaum Ob Hlis Ntuj 2002, 39.
5. Eliza R. Snow, *Deseret News*, Plaub Hlis Ntuj 22, 1868, 81.

Los ntawm cov Vaj Lug Kub

1 Kauleethaus 12:4–18;
1 Timautes 6:18–19; Mauxiyas 4:27;
Tej Nqe Kev Ntseeg 1:13

Kuv Yuav Pab Li Cas?

1. Kuv yuav tsum ua li cas kom thiaj pab tau cov viv ncaus paub thiab ua raws li lawv txoj kev txawj ua ib tug yam ntxwv txog kev ncaj ncees?

2. Kuv yuav siv kuv tej qhov khoom plig thiab tej kev txawj li cas kom pab foom koob hmoov rau lwm tus neeg?

Kom tau ntaub ntawv xov xwm ntxiv, cia li txuas rau reliefsociety.lds.org.